

UDKAST**Uunga
siunnersuut**

Erhvervsministereqarfiup akisussaaffeqarfiani nunat tamat akornanni aningaasaqarnermut tunngasumik sullissivinnut Kalaallit Nunaanni sullissisunut malittarisassaliornernit ilanngunneqannginneq pillugu inatsit

§ 1

Naalakkersuisut isumaqatigiissuteqarfigineqarnerisa kingorna, nunat tamat akornanni aningaasaqarnermut tunngasumik sullissivinni, Danmarkip ilaasortaaffigisaani, suliassaqarfinni Kalaallit Nunaannit tiguneqarsimanngitsuni, Kalaallit Nunaanni malittarisassiuinerni ilanngussinnginnissaq pillugu malittarisassanik erseqqinnerusunik Erhvervsministeri aalajangersaasinnaavoq.

§ 2

Lovtidendemi nalunaarutiginninnikkut inatsit atuutilissaaq.

Inatsisissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Danmarkimi nunat tamat akornanni angaasanut tunngasumik sullissiviit, Danmarkip ilaasortaaffigisai, malittarisassiunerit suussusaasa ilaannit ilaatinneqanngillat, matumani assersuutigalugu aningaasaqarnermut tunngasumik malittarisassiunerit ilanngullugit. Sullissiviit sullissinerat EU-mi inatsisilerinermut tunngasumik unioqqutinneqartussaannngitsunik akuersissutigineqarsimasunik imaluunniit naalagaaffiit akornanni isumaqatigiissutinit, Danmarkip akuersissutigisimasaani, malittarisaasiuunneqarmata, tassunga pissutaavoq.

Kalaallit Nunaat EU-mi ilaasortaannngilaq taamaammallu EU-mi inatsisilerinermut tunngasumik unioqqutinneqartussaannngitsunik akuersissutigineqarsimasut akuersissutigisimanagit, taakkulu ilaatigut nunat tamat akornanni aningaasaqarnermut tunngasumik sullissiviit sullissinerannik malittarisassiupput. Assigisaanik aningaasaqarnermut tunngasumik sullissiviit sullissinerat pillugit naalagaaffiit akornanni Danmarkimit akuerineqartunik, kisianni Kalaallit Nunaannit akuerineqarsimanngitsunik isumaqatigiissuteqarsinnaavoq. Taamaammat nunat tamat akornanni aningaasaqarnermut tunngasumik sullissivinni, Danmarkip ilaasortaaffigisaani, Danmarkimisut pisinnaatitaaffiit assinginik Kalaallit Nunaanni pisinnaatitaaffeqannginnerat pillugit pissutsit pilersinnaapput.

Kalaallit Nunaanni ineriartorneq ikorfartorniarlugu, nunat tamat akornanni aningaasaqarnermut tunngasumik sullissiviit, Danmarkip ilaasortaaffigisai, assersuutigalugu Europæiske Investeringsbankimut (EIB-mut), killiliussat, nunani allani sullissiviup suliffigisaani assersuunneqarsinnaasunut sullissivinnut killiliussat iluannit, Kalaallit Nunaanni nioqqutissiaminnik neqerooruteqarsinnaanerit naleqquttuussaaq. Taamaammat Naalakkersuisut isumaqatigiissuteqarfigineqarnerisa kingorna, nunat tamat akornanni aningaasaqarnermut tunngasumik sullissivinni, Danmarkip ilaasortaaffigisaani, suliaasaqarfinni Kalaallit Nunaannit tiguneqarsimanngitsuni, Kalaallit Nunaanni malittarisassiunerit ilanngussinnnginnissaq pillugu malittarisassanik erseqqinnerusunik erhvervsministerip aalajangersaanissamut piginnaatinneqassasoq siunnersuutigineqarpoq.

[Inatsisissatut siunnersuut Kalaallit Nunaanni oqartussanut
saqqummiunneqarsimavoq. Kalaallit Nunaanni oqartussat
paasisissusissutigaat....]

2. Nunat tamat akornanni aningaasaqarnermut tunngasumik sullissiviit Erhvervsministereqarfiup akissussaaffeqarfiata ataani malittarisassiuinerni ilaatinneqannginnissaannut Erhvervsministeri piginnaatinneqassaaq.

2.1. Inatsisit atuuttut

Inuussutissarsiteqarnermut suliassaqarfimmi malittarisassiuinerit ilaat
Kalaallit Nunaannit tiguneqarsimanngillat aamma taamaammat qallunaat
oqartussaasuisa ataanni qallunaat akisussaaffigalugit suliassaqarfigaat.

Aningaasaqarnermut malittarisassiuinermut suliassaqarfik assersuutaavoq
ataaseq, tassani aningaasaqarnermut tunngasumik malittarisassiuinerit
malillugit akuersissuteqarnissamut- aamma nakkutilliinissamut
piumasaqaatit erhvervsministerip akisussaaffeqarfiata ataaniipput.
Assersuutit allat tassaapput nunap aningaasai- aamma aningaasat pillugit
politikki, Kalaallit Nunaannit tiguneqarsimanngitsut.
Erhvervsministereqarfiup akisussaaffigalugit suliassaqarfiini, Kalaallit
Nunaannit tiguneqarsimanngitsuni, assersuusiat nalunaarsorneqartut
tamakkiisuunngitsumik missiliorneqarput.

Aningaasaqarnermut tunngasumik suliassaqarfinni, Kalaallit Nunaannut
atuutilersinneqarsimasuni akuersissuteqarnissamut- aamma
nakkutilliinissamut piumasaqaatinut assersuutit arlallit ataani
nassuiarneqarput. Malittarisassiuinerit imaluunniit
akuersissuteqarnissamut- aamma nakkutilliinissamut piumasaqaatit suut,
Kalaallit Nunaannut atuutilersinneqarsimaneri pillugit nassuiaaneq
missiliuineruvoq tamakkiisuunngitsoq.

Suliffeqarfiit, ilaatigut nammineq akilerlugu taarsigassarsisitsisut,
aningaaserivittut akuersissummik peqassasut, aningaasersuinemik
ingerlataqarneq pillugu inatsisip, kunngip peqqussutaatigut nr. 1252-ikkut,
15. december 2004-imeersukkut Kalaallit Nunaannut atuutilersinneqartup,
kingullerpaamik peqqussutikkut nr. 858-kkut, 26. juni 2024-imeersukkut
allanngortinneqartup, malitsigaa. Peqqussutip malittarisassallu,
taassuminnga atulersinneqartut eqqortinneqarnissaat Finanstilsynip

nakkutigissagaa, pappiaqqanik nalilinnik niuerneq pillugu inatsisip, kunngip peqqussutaatigut nr. 839-kkut, 17. august 2012-imeersukkut atuutilersinneqartup malitsigaa. Aningaasaqarnermut tunngasumik sullissinernut allanut, taaneqartunit allaanerusunut, aningaasaqarnermut tunngasumik akuerissuteqarnermut- aamma nakkutilliinissamut piimasaqaatit assinginik allakkut malittarisassiuinerit imaqsinnaapput. Kalaallit Nunaanni aningaasaqarnerup tatiginassusaata patajaallisarneqarnissaa siunertarlugu, aningaasaqarnermut tunngasumik suliassaqarfiup allanngorartuunngitsup ingerlalluartullu qulakkeerneqarnissaa aamma aningaasaqarnermut tunngasumik suliassaqarfiup, niuerfimmi malittarisassiugaasumi suliffeqarfinnut inoqutigiinnullu aningaasaqarnermut tunngasumik nioqqutissianik imaluunniit sullissinernik neqerooruteqarsinnaanera, akuersissuteqarnissamut- aamma nakkutilliinissamut piimasaqaatini atuuttunni siunertaavoq.

Danmarkimi nunat tamat akornanni angaasanut tunngasumik sullissiviit, Danmarkip ilaasortaaffigisai, malittarisassiuinerit suussusaasa ilaannit ilaatinneqanngillat, matumani Erhvervsministerip akisussaaffiani sullissiviit sullissinerat tassunga taarsiullugu EU-mi inatsisilerinermut tunngasumik unioqqutinneqartussaannngitsunik akuersissutigineqarsimasunik imaluunniit naalagaaffiit akornanni isumaqatigiissutinit, Danmarkip akuersissutigisimasaani, malittarisassiuunneqarnerat pissutigalugu. Sullissivimmut taamaattumut assersuut tassaavoq EIB, taannalu Den Europæiske Unionip suliassaqarfittut atuuffissaa pillugu isumaqatigiissummi artikili 308-mi aamma 309-mi periarfissaliissutigineqartutigit pilersinneqarpoq. EIB-p sullissinerata aqqiissuunneqarnera malittarisassiuunneqarneralu EIB-mut malittarisassani, isumaqatigiissummut ilanngussaasumi, erseqqissarneqarput. Taamaammat EIB qallunaat inatsisiliaanni piimasaqaatinut amerlasuunut malinninnissaminik pinngitsaalineqanngilaq, matumani aningaasaqarnermut tunngasumik malittarisassiuinerni akuersissuteqarnissamut- aamma nakkutilliinissamut piimasaqaatit ilanngullugit, aamma EIB-p Danmarkimi sullissineranik Finanstilsyni nakkutilliisanngilaq.

Den Europæiske Union-ip atuuffia pillugu isumaqatigiissut aamma EU-mi EIB-p sullissineranut immikkut ittumik malittarisassiuineq tassunga attaveqartoq, Kalaallit Nunaannut atuutinngilaq, tassami Kalaallit Nunaat EU-mi ilaasortaannngilaq aamma taamaammat isumaqatigiissummik akuersissuteqarsimanani. Taamaalilluni sullissivik EIB-tut ittoq,

Erhvervsministereqarfiup akisussaaffiani massakkut malittarisassaasut, Kalaallit Nunaannut atuutilersinneqartut, malillugit Danmarkimisut Kalaallit Nunaanni pisinnaatitaaffiit assingini pisinnaatitaaffeqassanngilaq.

Nunat tamat akornanni aningaasaqarnermut tunngasumik sullissiviit, Danmarkip ilaasortaaffigisaasa, malittarisassani piumasaqaatinut, assersuutigalugu aningaasaqarnermut tunngasumik sullissivinnut akuersissuteqarnermik- aamma nakkutilliinissamut piumasaqaatinut aalajangersarneqartunit, ilaatinneqannginnissaannut Erhvervsministereqarfiup akisussaaffigisaani malittarisassiinerni, Kalaallit Nunaannut atuutilersinneqartuni massakkut piusuni, periarfissaliissuteqanngilaq.

2.2. Erhvervsministereqarfiup isumaliutiginninneri

Kalaallit Nunaanni aningaasaliinerit ikorfartorniarlugit, Naalakkersuisut aamma pisortat allat imaluunniit sullissisut namminersortut Kalaallit Nunaanni sullissisuusut, nunat tamat akornanni aningaasaqarnermut tunngasumik sullissivinnit, assersuutigalugu EIB-mit aningaasaliinernik aamma tassunga atatillugu siunnersorneqarnermik tigusinissamik, soqutiginnissinnaapput.

Nunat tamat akornanni aningaasaqarnermut tunngasumik sullissiviit aningaasaliinermut tunisassiaminnik Kalaallit Nunaanni neqerooruteqarnissamik kissaataannut, sullissivik Kalaallit Nunaanni sullissitillugu, amerlanertigut sullissisut malittarisassiinernermit, sullissiviup Danmarkimi aamma nunani allani sullisinermi ilaatinneqannginnerata assinganik ilaatinneqannginnissap qulakkeerneqarnissaa, assersuutigalugu aningaasaqartumut tunngasumik suliaasaqarfimmi, amerlanertigut piumasaqaataassaaq.

EIB-mut Kalaallit Nunaanni aningaasaliisinnaanernik periarfissiisumik, EIB-mut tunngaviusumik isumaqatigiissutip isumaqatigiissutigineqarsinnaanera, Naalakkersuisut piviusumik kissaatiigaat. Kalaallit Nunaanni EIB-p malittarisassiinernerit ilaannit ilanngunneqannginnissaa tassunga piumasaqaataavoq, matumani erhvervsministereqarfiup akisussaaffigalugu suliaasaqarfiani, soorlu EIB-p nunani allani, EIB-p sullissiviini, aamma EU-p avataani, matumani Danmark ilanngullugu, malittarisassiinernik taamaattunik malinneqqullugu pinngitsaalineqarneq ajortoq. EU-p iluani EIB-p

sullissivini inatsisitigut tunngavinnut tunngatillugu, immikkoortoq 2.1 innersuussutigineqarpoq.

Aamma nunat tamat akornanni aningaasaqarnermut tunngasunik sullissivinnik Danmarkip ilaasortaaffigisaanik peqarsinnaavoq, taakkulu pisinnaatitaaffinnik immikkut ittunik nunat tamat akornanni isumaqatigiissutinit imaluunniit isumaqatigiissutaasunit, Danmarkimit akuersissuteqarfigineqarsimasunit, kisianni Kalaallit Nunaata akuersissuteqarfigisimanngisaanik, aalajangersarneqarput, nunallu tamat akornanni aningaasaqarnermut tunngasumik sullissiviit taakku, Kalaallit Nunaanni sullissinissaannik kissaat kingusinnerusukkut kissaatigineqalersinnaavoq.

Siunissami nunat tamat akornanni aningaasaqarnikkut sullissiviit Danmarkip ilaasortaaffigisaasa suleqatiginerisigut, Kalaallit Nunaata iluaqutissaqassappat iluaqutissanik, Kalaallit Nunaanni inuiaqatigiit piviusunngortissinnaasaanik angusisinnaanermik periarfissap qulakkeerneqarnissaa, erhvervsministereqarfiup pingaartutut isigaa. Qallunaat ilaasortaanerisa, assersuutigalugu EIB-mik, malitsigisaanik sullissiviit Danmarkimi sullissisut pineqarsinnaapput. Siunissami nunat tamat akornanni aningaasaqarnermut tunngasumik sullissiviit allat, Danmarkip ilaasortaaffigisaasa, nunani allani sullissiviup suliffigisaani assersuunneqarsinnaasunut sullissivinnut killiliussat iluannit Kalaallit Nunaannut iluaqutaasumik sullissinissamik periarfissinneqarnerat aamma pineqarsinnaavoq. Den Europæiske Bank for Genopbygning og Udvikling nunat tamat akornanni aningaasaqarnermut tunngasumik sullissivittut, Danmarkip ilaasortaaffigisaatut, kisianni Danmarkimi aningaasalersuinngitsutut, assersuutaavoq.

Siunissamut qulakkeerinnittumik, aamma taamaattoqassappat pisuni siunissami pisussani ingerlatsinermik eqaatsumik periarfissaqarnissamik qulakkeerinnittumik, suliassaqarfinni Kalaallit Nunaannit tiguneqarsimanngitsuni, Kalaallit Nunaanni malittarisassiinerni atuuttuni, ilaatitsinnginnissaq pillugu, nunat tamat akornanni aningaasaqarnermut tunngasumik sullissivimmik, Danmarkip ilaasortaaffigisaanik, isumaqatigiissusiortoqarnissaa Kalaallit Nunaannit kissaatigineqalissappat, inatsisitigut periarfissaliissummik pilersitsisoqarnissaa, Erhvervsministereqarfiup pingaaruteqartutut aammattaaq isigaa. Nunat tamat akornanni aningaasaqarnikkut sullissivinnut atugassarititaasut, sullissivinnut nunani allani, sullissiviup sullissiffiini atugassarititaasunut assersuunneqarsinnaasut, malittarisassat erseqqinnerusut qulakkeersinnaasussaavaat.

Erhvervsministereqarfiup akisussaaffiani inatsisiliornerit piviusut erseqqissarneqarnissaat, nunat tamat akornanni aningaasaqarnermut tunngasumik sullissiviit, Danmarkip ilaasortaaffigisai, Kalaallit Nunaannit ilanngunneqannginnissaat naleqquttuussanersoq, imaluunniit qinigassatut allatut erhvervsministereqarfiup akisussaaffiisa ataanni inatsisini attuumassuteqartuni inatsisinilu kunngip peqqussutaatigut atuutilersinneqartuni ilaatitsinnginnerit taamaattut ilanngunneqarsinnaanerit, Erhvervsministereqarfiup isumaliutigisimavaa. Kisianni aaqqiineq taamaattoq piffissap ingerlanerani annikinnerusumik qajannaatsuusutut takuneqarsinnaalersinnaavoq. Ilaatigut siunissami pissutsit, taakkunani massakkut EIB pillugu apeqquteqaammut piviusumut tunngatillugu, malittarisassiuinernit allaanerisunit avaqqutsisinnaanermik periarfissat takkussinnaanerit pissutigalugu. Aamma ingerlaavartumik suliaasaqarfinni nutaani, inatsisiliornernik ineriartortitsisoqarnera, taakkunanilu ilaatitsinnginnissaq taamatuttaaq naleqquttuusooq takuneqarsinnaalersinnaalluni, ilaatigut pissutigalugu.

Siunissami qulakkeerinnittumik inatsisitigut periarfissaliissutit pilersinneqarnissaanut periaaseq tassaasoq, nunat tamat akornanni aningaasaqarnermut tunngasumik sullissiviup, Danmarkip ilaasortaaffigisaata, Kalaallit Nunaanni inatsisiliornerit atuuttut ilaannit attuumassuteqartunit ilaatinneqannginnissaa pillugu erhvervsministeri nalunaarutikkut malittarisassanik erseqqinnerusumik aalajangersaanissamut piginnaatinneqarnissaa naleqqunnerpaajusoq, taamaammat erhvervsministereqarfiup nalilerpaa.

2.3. Aaqqissuussineq siunnersuutigineqartoq

Nunat tamat akornanni aningaasaqarnermut tunngasumik sullissiviit, Danmarkip ilaasortaaffigisai, Kalaallit Nunaanni suliaasaqarfinni, Kalaallit Nunaannit tiguneqarsimanngitsuni, erhvervsministerip Naalakkersuisunik isumaqatigiissuteqarnerup kingorna, malittarisassiuinernit atuuttunit ilaatinneqannginnissaat pillugit malittarisassanik erseqqinnerusunik malittarisassiuinissamik piginnaatinneqarnissaa, aaqqissuussinissatut siunnersuutigineqartup kingunerissavaa. Nunat tamat akornanni aningaasaqarnermut tunngasumik sullissivik, nunani allani sullissiviup suliffigisaani atugassarititaasunut assersuunneqarsinnaasunik atugassaqaartinneqarnissaa, malittarisassat erseqqinnerusut qulakkeersinnaasussaavaat.

Nunat tamat akornanni aningaasaqarnermut sullissiviup, Danmarkip ilaasortaaffigisaata, suliassa qarfinni Kalaallit Nunaannit tiguneqarsimanngitsuni, Kalaallit Nunaanni malittarisassiinerni atuuttuni, Naalakkersuisunit isumaqatigiissuteqarnerup kingorna, erhvervsministerip nalunaarutikkut ilaatitsinngissinnaanera, inatsisissatut siunnersuutip kinguneraa. Nunat tamat akornanni aningaasaqarnermut tunngasumik sullissiviup, Kalaallit Nunaanni aningaasaqarnermut tunngasumik inatsiliornermit nalinginnaasumik atuuttunit ilaatinneqannginnissaa tamatuma assersuutigalugu kingunerissavaa, matumani assersuutigalugu immikkut ittumik akuersissuteqarnissamut piumasaqaatit aamma qallunaat Finanstilsyniannit nakkutilliivigineqarneq, soorlu aamma nunat tamat akornanni aningaasaqarnermut tunngasumik sullissiviup erhvervsministerip akisussaaffigisaani piumasaqaatit ilaannit, Kalaallit Nunaanni atuukkaluartunit, ilaatinneqannginnissaa kinguneqarsinnaanera ilanngullugit.

Tamanna Naalakkersuisunit kissaatigineqassappat, aamma taamaaliortoqarnissaa nunat tamat akornanni aningaasaqarnermut tunngassuteqartumik sullissivimmit pineqartumit soqutigineqarpat, nunat tamat akornanni aningaasaqarnermut tunngasumik sullissiviit, Danmarkip ilaasortaaffigisaata, Kalaallit Nunaanni nioqqutissiaminnik tuniniaasinnaanerannut periarfissaq, inatsisissatut siunnersuutip qulakkiissavaa. Nunat tamat akornanni aningaasaqarnermut tunngassuteqartumik sullissiviit attuumassuteqartut, atugassarititaasunik, nunat tamat akornanni aningaasaqarnermut tunngassuteqartumik sullissiviit nunani allani, sullissiviit sullissiffiini atugassarititaasunut assersuunneqarsinnaasunik atugassaqaartinneqarnissaannik periarfissiisinnaaneq, inatsisissatut siunnersuummi siunertarineqarpoq.

Suliassa qarfinni Kalaallit Nunaannit tiguneqarsimanngitsuni, Kalaallit Nunaanni malittarisassiinerni atuuttuni, nunat tamat akornanni aningaasaqarnermut tunngasumik sullissiviup, Danmarkip ilaasortaaffigisaata, nalunaarusiornikkut erhvervsministermit ilaatinneqannginnissaa, inatsisissatut siunnersuutip kinguneraa. Siunissami taamatut pisoqassappat pisuni, tassani suliassa qarfinni Kalaallit Nunaannit tiguneqarsimanngitsuni, Kalaallit Nunaanni malittarisassiinerni atuuttuni, Kalaallit Nunaannit nunat tamat akornanni aningaasaqarnermut tunngasumik sullissivimmik, Danmarkip ilaasortaaffigisaanik isumaqatigiissusiortoqarnissaa kissaatigineqassappat, eqaatsumik ingerlatsisinnaanermut periarfissap qulakkeerneqarnera, inatsisissatut siunnersuutip kingunerissavaa. Nunat tamat akornanni sullissivimmut

atugassarititaasut, nunani allani, sullissiviup suliffigisaanni, sullissivimmut atugassarititaasunut assersuunneqarsinnaasunik atugassaqartitsinissaq, malittarisassat erseqqinnerusut qulakkeersinnaasussaavaat.

Suliassaqarfinni Kalaallit Nunaannit tiguneqarsimanngitsuni, Kalaallit Nunaanni malittarisassiuinerni atuuttuni, nunat tamat akornanni aningaasaqarnermut tunngasumik sullissiviup, Danmarkip ilaasortaaffigisaata, ilaatinneqannginnissaa pillugu, Naalakkersuisunit isumaqatigiissusiorderup kingorna, malittarisassanik erseqqinnerusunik erhvervsministerip kisimiilluni aalajangersaasinnaanera, naggataagut inatsisissatut siunnersuutip kinguneraa.

3. Pisortanut aningaasaqarnikkut kingunissai aamma atortuulersitsinermi kingunissaa

Inatsisissatut siunnersuut Danmarkimut atuutinngilaq, taamaammat pisortanut aningaasaqarnikkut atortuulersitsinermilu kingunissai nalilerneqanngillat.

4. Inuussutissarsiornermut il.il. aningaasaqarnikkut allaffissornikkullu kingunissaa

Inatsisissatut siunnersuut Danmarkimut atuutinngilaq, taamaammat inuussutissarsiornermut aningaasaqarnikkut allaffissornikkullu kingunissai nalilerneqanngillat.

5. Innuttaasunut allaffissornikkut kingunissaa

Inatsisissatut siunnersuut Danmarkimut atuutinngilaq, taamaammat innuttaasunut allaffissornikkut kingunissai nalilerneqanngillat.

6. Silaannaap pissusaanut kingunissaa

Inatsisissatut siunnersuut Danmarkimut atuutinngilaq, taamaammat Silaannaap pissusaanut kingunissai nalilerneqanngillat.

7. Avatangiisinut- aamma pinngortitamut kingunissaa

Inatsisissatut siunnersuut Danmarkimut atuutinngilaq, taamaammat avatangiisinut- aamma pinngortitamut kingunissai nalilerneqanngillat.

8. EU-mi inatsisitigut tunngassuteqartut

Kalaallit Nunaat pineqartillugu De Europæiske Fællesskaber-p pilersinneqarnera pillugu isumaqatigiissutit allanngortinneqarnerat pillugu Isumaqatigiissut 13. marts 1984-imeersoq malillugu, Kalaallit Nunaata

inatsisitigut attuumassuteqarnera inatsisissatut siunnersuutip allanngortinngilaa. EU-mi sullissiviit Naalakkersuisunik siuningaani isumaqatigiissusioqqaarnatik ullumikkut atuuttunit allaanerusunik inatsisitigut inissisimanermik angusinissaat, inatsisitigut siunnersuutip aammattaaq kingunerissanngilaa.

9. Nunarsuarmi anguniakkanut kingunissaa

Inatsisissatut siunnersuut Danmarkimut atuutinngilaq, taamaammat nunarsuarmi anguniakkanut kingunissai nalilerneqanngillat.

10. Oqartussat suleqatigiiffiillu il.il. tusarniaaffigineqartut

Inatsisissatut siunnersuut piffissami juunip qulinganiit 2025-miit juulip sisamaanut 2025-mut (ulluni 24-ni) Kalaallit Nunaanni tusarniutigineqarpoq.

11. Immersugaq eqikkaaffiusoq

	Pitsaasumik sunniutissai/aningaasartuutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/aningaasartuu- teqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Inatsisissatut siunnersuutip Danmarkimi atuutinnginnera pissutigalugu nalilerneqanngilaq	Inatsisissatut siunnersuutip Danmarkimi atuutinnginnera pissutigalugu nalilerneqanngilaq
Naalagaaffimmut, kommuninut nunallu immikkoortuinut atuutilersitsinerup kinguneri	Inatsisissatut siunnersuutip Danmarkimi atuutinnginnera pissutigalugu nalilerneqanngilaq	Inatsisissatut siunnersuutip Danmarkimi atuutinnginnera pissutigalugu nalilerneqanngilaq
Inuussutissarsiortunut aningaasaqarnikkut kingunissaa	Inatsisissatut siunnersuutip Danmarkimi atuutinnginnera pissutigalugu nalilerneqanngilaq	Inatsisissatut siunnersuutip Danmarkimi atuutinnginnera pissutigalugu nalilerneqanngilaq
Inuussutissarsiortunut allaffissornikkut kingunissaa	Inatsisissatut siunnersuutip Danmarkimi atuutinnginnera pissutigalugu nalilerneqanngilaq	Inatsisissatut siunnersuutip Danmarkimi atuutinnginnera pissutigalugu nalilerneqanngilaq
Innuttaasunut allaffissornikkut kingunissaa	Inatsisissatut siunnersuutip Danmarkimi atuutinnginnera pissutigalugu nalilerneqanngilaq	Inatsisissatut siunnersuutip Danmarkimi atuutinnginnera pissutigalugu nalilerneqanngilaq
Silap pissusaanut- avatangiisinullu tunngatillugu kingunissaa	Inatsisissatut siunnersuutip Danmarkimi atuutinnginnera pissutigalugu nalilerneqanngilaq	Inatsisissatut siunnersuutip Danmarkimi atuutinnginnera pissutigalugu nalilerneqanngilaq

MISSINGIUT

EU-mi tunngassuteqartut	inatsisitigut	Inatsisissatut siunnersuutip Danmarkimi atuutinnginnera pissutigalugu nalilerneqanngilaq	Inatsisissatut siunnersuutip Danmarkimi atuutinnginnera pissutigalugu nalilerneqanngilaq
EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq (inuussutissarsiornermut sammititaanngitsunut EU-mi malittarisassiuinermi naleqquttumik annertussusilimmik tamanna aamma atuuppoq) (X-ileruk)		Kalaallit Nunaat pineqartillugu De Europæiske Fællesskaber-p pilersinneqarnera pillugu isumaqatigiissutit allanngortinneqarnerat pillugu Isumaqatigiissut 13. marts 1984-imeersoq malillugu, Kalaallit Nunaata inatsisitigut attuumassuteqarnera inatsisissatut siunnersuutip allanngortinngilaa. EU-mi sullissiviit Naalakkersuisunik siuningaani isumaqatigiissusioqqaarnatik ullumikkut atuuttunit allaanerusunik inatsisitigut inissisimanermik angusinissaat, inatsisitigut siunnersuutip aammattaaq kingunerissanngilaa.	
Naalagaaffimmut, kommuninut immikkoortuinut aningaasaqarnikkut kinguneri	nunallu	Aap	Naagga x

Inatsisissatut siunnersuummut oqaaseqatigiit nalinginnaasut

§ 1-imut

Inuussutissarsiornermut suliassaqarfiup malittarisassiuunneqarnerata ilaa Kalaallit Nunaannit tiguneqarsimanngilaq, aamma taamaammat qallunaat oqartussaasuisa ataanni qallunaat akisussaaffigalugu suliassaqarfigaat.

Aningaasaqarnermut tunngasumik malittarisassiuineq assersuutit ilaat ataasiuvoq, tassani aningaasaqarnermut tunngasumik malittarisassiuineq malillugu akuersissuteqarnissamut- aamma nakkutilliinissamut piumasaqaatit erhvervsministerip akisussaaffiata ataaniillutik. Assersuutit allat tassaapput nunap aningaasai- aamma aningaasat pillugit politikki, Kalaallit Nunaannit tiguneqarsimanngitsut. Erhvervsministereqarfiup akisussaaffigalugit suliassaqarfiini, Kalaallit Nunaannit tiguneqarsimanngitsuni, assersuusiata nalunaarsorneqartut tamakkiisuunngitsumik missiliorneqarput.

Aningaasaqarnermut tunngasumik suliassaqarfimmi akuersissuteqarnissamut- aamma nakkutilliinissamut piumasaqaatinut, Kalaallit Nunaannut atuutilersinneqarsimasunut, assersuutit arlallit ataani nassuiarneqassapput. Malittarisassiuinerit imaluunniit akuersissuteqarnissamik- aamma nakkutilliinissamik piumasaqaatit, Kalaallit Nunaannut atuutilersinneqartut suut pillugit nassuiaaneq tamakkiisumik missiliuinerunngilaq.

Inatsisit atuuttut malillugit ilaatigut aningaasersuinerimik ingerlataqarneq pillugu inatsit aamma pappiaqqanik nalilinnik niuerneq pillugu inatsit, Kalaallit Nunaannut atuutilersinneqarsimasut, malillugit akuersissuteqarnissamut- aamma nakkutilliinissamut piumasaqaatit ilaatigut malitsigitinneqarput.

Aningaasersuinerimik ingerlataqarneq pillugu inatsimmi, kunngip peqqussutaatigut nr. 1252-ikkut, 15. december 2004-imeersukkut Kalaallit Nunaannut atulersinneqartumi, kingusinnerpaamillu peqqussutikkut nr. 858-kkut, 26. juni 2024-imeersukkut allanngortinneqartumi, assersuutigalugu taaneqarsinnaavoq § 7, tamatumalu kingorna suliffeqarfik, tamanit aningaaserivimmiititassanik imaluunniit aningaasanik utertitassanik tigusisartog, kiisalu nammineq akilikkaminik taarsigassarsisitsisartog, aningaaserivittut akuersisummik peqassooq.

Finanstilsynip akuersissuteqarsinnaaneranut piumasaqaatit, inatsimmi § 14-p malitsigai. Taamaallilluni nunat tamat akornanni aningaasaqarnermut tunngasumik sullissivik, pisariaqartinneqartumik akuersissummik peqartinnani, sullissinernik § 7-imi ilaatinneqartunik Kalaallit Nunaanni sullissippat, aningaasersuineramik ingerlataqarneq pillugu inatsimmut tamanna akerliussaaq. Aammattaaq § 346, imm. 1 malillugu aningaasaqarnermut tunngasumik suliffeqarfinnut aamma aningaasaqarnermut tunngasumik piginnittut ingerlatseqatigiiffinnut pissutsit Finanstilsynip misissussavai, matumani ingerlaavartumik nalunaarutiginnittarnerit misissorneqarnerisigut aamma suliffeqarfiit ataasiakkat misissuiffigineqarnerisigut. Aningaasersuineramik ingerlataqarneq pillugu inatsimmit sullissinerit malittarisassiuunneqartut pillugit Finanstilsynip ingerlaavartumik nakkutilliinissaa, tamatuma kinguneraa.

Assersuutit aappaattut pappiaqqanik nalilinnik niuerneq pillugu inatsimmi, kunngip peqqussutaatigut nr. 839-ikkut, 17. august 2012-imeersukkut Kalaallit Nunaannut atuutilersinneqartumi, § 83 taaneqarsinnaavoq, tamatumalu kinguneraa, peqqussutip aamma malittarisassat peqqussutip malitsigisaanik atuutilersinneqartut, eqqortinneqarnerat Finanstilsynip nakkutigissavai.

Kalaallit Nunaanni aningaasaqarnerup tatigineqarnerata qulakkeerneqarnissaa siunertaralugu, aamma aningaasaqarnermut tunngasumik suliassaqarfiup, niuerfimmi malittarisassiugaasumi suliffeqarfinnut inoqutigiinnullu aningaasaqarnermut tunngasunik nioqqutissianik imaluunniit sullissinernik neqerooruteqarsinnaanera, akuersissuteqarnissamut- aamma nakkutilliinissamut piumasaqaatini atuuttunni siunertaavoq.

Malittarisassiuinerit allat, Kalaallit Nunaannut atuutilersinneqarsimasut, piumasaqaatinik allanik imaqarsinnaapput, matumani sullissinernut allanut akuersissuteqarnissamut- aamma nakkutilliinissamut piumasaqaatit ilanngullugit. Akuersissuteqarnissamut- aamma nakkutilliinissamut piumasaqaatit atuunnersut pillugit, sullissinerit, nunat tamat akornanni aningaasaqarnermut tunngasumik sullissiviup sullississutiginiagai piviusut, tassunga pingaaruteqassapput.

Inatsisitigut piumasaqaatit assigiinngitsut, matumani aningaasaqarnermut tunngasunik assigiinngiaartunik suliaqarnermut akuersissuteqarnissamut- aamma nakkutilliinissamut piumasaqaatit ilanngullugit, matumani

assersuutigalugu taarsigassarsitsinernut, EU-mi malittarisassiuineq, Danmarkimut toqqaannartumik atuuttoq, imaluunniit naalagaaffiit akornanni isumaqatigiissutit Danmarkip akuersissuteqarfigisimasai, aamma nunagisani assersuutigalugu akuersissuteqarnissamut- aamma nakkutilliinissamut piumasaqaatit pillugit aalajangersakkanit ilaatitsinnginnissamik sullissivimmut ilaatitsinngitsut ilanngullugit, tunngavigalugit sullissiviup sullissinini suliarippagu, nunat tamat akornanni aningaasaqarnermut sullissivinnut Danmarkimi atuutinneqassanngillat. Tamatuma kingorna suleqatigiiffiup imaluunniit sullissiviup sullissinissanut eqqarsaatigineqartunut akuersissummik angusinissaa Finanstilsynip piumasaqaatigissanngilaa, aamma tamatuma kingorna ingerlaavartumik matumuuna nakkutilliiffigissanngilaa.

Den Europæiske Unionip atuuffissaa pillugu isumaqatigiissutit aamma tassunga atasumik EU-mi EIB-p sullissineranut immikkut ittumik malittarisassiuineq Kalaallit Nunaannut atuutinngilaq, tassami Kalaallit Nunaat EU-mut ilaasortaannilaq taamaammallu isumaqatigiissut akuersissuteqarfigisimanagu.

Erhvervsministerip akisussaaffiisa ataanni malittarisassiuinerni massakkut atuuttuni, Kalaallit Nunaannut atuutilersinneqartuni, nunat tamat akornanni aningaasaqarnermut tunngasumik sullissivinnut, Danmarkip ilaasortaaffigisaanut, assersuutigalugu aningaasaqarnermut tunngasumik sullissivinnut akuersissuteqarnissamik- aamma nakkutilliinissamut piumasaqaatinik ilaatitsinnginnissamut periarfissaliissummik peqanngilaq.

Naalakkersuisut isumaqatigiissuteqarfigineqarnerisa kingorna, nunat tamat akornanni aningaasaqarnermut tunngasumik sullissivinni, Danmarkip ilaasortaaffigisaani, suliassaqaarfinni Kalaallit Nunaannit tiguneqarsimanngitsuni, Kalaallit Nunaanni malittarisassiuinerni ilanngussinnginnissaq pillugu malittarisassanik erseqqinnerusunik Erhvervsministeri aalajangersaasinnaasoq, § 1-imi siunnersuutigineqarpoq. Nunat tamat akornanni aningaasaqarnikkut sullissivinnut atugassarititaasut, sullissivinnut nunani allani, sullissiviup sullissiffiini atugassarititaasunut assersuunneqarsinnaasut, malittarisassat erseqqinnerusut qulakkeersinnaasussaavaat.

Naalakkersuisut isumaqatigiissuteqarfigineqarnerisa kingorna, nunat tamat akornanni aningaasaqarnermut tunngasumik sullissivinni, Danmarkip ilaasortaaffigisaani, suliassaqaarfinni Kalaallit Nunaannit tiguneqarsimanngitsuni, Kalaallit Nunaanni malittarisassiuinerni

ilanngussinnginnissaq pillugu malittarisassanik erseqqinnerusunik erhvervsministeri aalajangersaasinnaasoq, siunnersuutigineqartup kinguneraa. Kalaallit Nunaanni aningaasaqarnermut tunngasumik inatsisiliornerit atuukkaluartunit, nunat tamat akornanni aningaasaqarnermut tunngasumik sullissivik ilanngunneqassanngitsoq tamatumassersuutigalugu kingunerisinnaavaa, matumani assersuutigalugit Finanstilsynimit akuersissuteqarnissamik piumasaqaatit immikkut ittut aamma nakkutilliivigineqarnissamik pinngitsaalisamik malinninnissat ilanngullugit.

Aalajangersagaq malillugu inatsisiliorneq piviusoq, nunat tamat akornanni aningaasaqarnermut tunngasumik sullissiviup ilaatinneqanngiffigisinnaasaa, piffissap ingerlanerani allanngorsinnaavoq, tassami Erhvervsministereqarfiup akisussaaffiata iluani suliaasaqarfinnut, Kalaallit Nunaannit tiguneqarsimanngitsuni inatsisiliorneq taamaallaat pineqarmat. Inatsisiliornerit suussusaasa ilaat Kalaallit Nunaannit tiguneqassappata, nunat tamat akornanni aningaasaqarnermut tunngasumik sullissivimmut inatsisiliornerit ilaatinneqannginneq taamaalilluni kalaallit piginnaasaqarfiannut nuussaaq aamma aalajangersakkamit massuminnga malittarisassiuunneqarunnaassalluni. Erhvervsministereqarfiup akisussaaffini nutaamik inatsisiliorneq, aamma Kalaallit Nunaannut atulersinneqartoq, eqqunneqarpat, taanna aalajangersakkami ilaatinneqassaaq.

Erhvervsministerip piginnaatinneqarnera, erhvervsministerip akisussaaffigalugu suliaasaqarfiata ilaasa iluanni, Kalaallit Nunaannit tigusimaneqanngitsuni, malittarisassiuinernut pioreersunut aamma taakku allanngortinneqarnerannut killilerneqanngilaq, tassami nunat tamat akornanni aningaasaqarnermut tunngasumik sullissivik, atugassarititaasut, nunani allani sullissiviup sullissiffiini assersuunneqarsinnaasut, atugassaralugit Kalaallit Nunaani nioqqutissiaminik tuniniaasinnaanissaa, malittarisassiuinerup akornuserpagu, Erhvervsministerip akisussaaffigalugu suliaasaqarfiani, Kalaallit Nunaannit tiguneqarsimanngitsumi, siunissami malittarisassiuinissaq aamma ilaatinneqarpoq.

Tamanna kalaallit Naalakkersuisuinit kissaatigineqarpat, aamma nunat tamat akornanni aningaasaqarnermut sullissivimmit taamaaliornissaq soqutigineqarpat, nunat tamat akornanni aningaasaqarnermut tunngasumik sullissiviit, Danmarkip ilaasortaaffigisaasa, nioqqutissiaminnik Kalaallit

Nunaanni tuniniaasinnaanerisa periarfissinneqarnissaat, aalajangersagassatut siunnersuutigineqartup qulakkiissavaa.

Pisuni, taakkunani nunat tamat akornanni aningaasaqarnermut tunngasumik sullissivimmit, sullissiviup nioqqutissiaminik Kalaallit Nunaanni tuniniaanissaanut tamanna piumasaqaataanera pillugu erseqqissumik ersersinneqartillugu, aalajangersakkap taamaallaat atorneqarsinnaanissaa, aammattaaq naatsorsuutigineqarpoq. Nunat tamat akornanni aningaasaqarnermut tunngasumik sullissiviup atugassarititaasunik, nunani allani aningaasaqarnermut tunngasunik sullissiviup suliffigisaani assersuunneqarsinnaasunik atugassaqartinneqarnissaa, aalajangersakkap qulakkiissagaa, aammattaaq siunertarineqarpoq.

Sullissivimmut qallunaat ilaasortaanerisa malitsigisannik, nunat tamat akornanni aningaasaqarnermut tunngasumik sullissiviit, Danmarkimi sullissitut tunngatillugu, aalajangersagaq atorneqarsinnaasussaavoq. Sullissivittut taamaattut assersuut tassaavoq EIB, taannalu Den Europæiske Unionip suliassaqaarfittut atuuffissaa pillugu isumaqatigiissummi artikili 308-mi aamma 309-mi periarfissaliissutigineqartutut pilersinneqarpoq. EIB-p sullissinerata aaqqissuunneqarnera malittarisassiuunneqarneralu EIB-mut malittarisassani, isumaqatigiissummut ilanngussaasumi, erseqqissarneqarput. Tamanna tunngavigalugu EIB qallunaat inatsisiliaanni piumasaqaatinut amerlasuunut malinninnissaminik pinngitsaalineqanngilaq, matumani aningaasaqarnermut tunngasumik malittarisassiuinerni akuersissuteqarnissamut- aamma nakkutilliinissamut piumasaqaatit ilanngullugit, aamma EIB-p Danmarkimi sullissineranik Finanstilsyni nakkutilliisanngilaq.

Aningaasaqarnermut tunngassuteqartumik nunat tamat akornanni sullissivinnut, Danmarkip ilaasortaaffigisaanni, kisianni Danmarkimi sullissinernik suliaqanngitsunut naleqqiullugu, aalajangersagaq aamma atorneqarsinnaassaaq. Den Europæiske Bank for Genopbygning aamma Udvikling nunat tamat akornanni sullissivittut, Danmarkip ilaasortaaffigisaattut, kisianni Danmarkimi sullissinngitsutut assersuutaavoq.

Suliassaqaarfinni Kalaallit Nunaannit tiguneqarsimanngitsuni, Kalaallit Nunaanni malittarisassiuinerni atuuttuni, ilaatitsinnginnissaq pillugu, nunat tamat akornanni aningaasaqarnermut tunngasumik sullissivimmik, Danmarkip ilaasortaaffigisaanik, isumaqatigiissusiortoqarnissaa Kalaallit Nunaannit kissaatigineqalissappat, aamma siunissami immaqa pisussanut,

eqaatsumik ingerlatsisoqarnissaanut periarfissaq aalajangersagassatut siunnersuutigineqartup qulakkiissavaa.

Nunat tamat akornanni aningaasaqarnermut tunngasumik sullissivimmut atugassarititaasunik, nunani allani, sullissiviup suliffigisaani sullissiviup atugarisaanut assersuunneqarsinnaasunik qulakkeerinniffigineqarnissaa, aalajangersakkat erseqqinnerusut qulakkeersinnaasussaavaat.

Naalakkersuisut isumaqatigiissusiorfigineqarnerisa kingorna erhvervsministeri taamaallaat malittarisassanik erseqqinnerusunik, nunat tamalaat akoranni aningaasaqarnermut tunngasunik sullissiviit, Danmarkip ilaasortaaffigisaani, suliaasaqarfinni Kalaallit Nunaannit tiguneqarsimanngitsuni, Kalaallit Nunaanni malittarisassiinerni ilanngussinnginnissaq pillugu malittarisassanik aalajangersaasinnaasoq siunnersuutigineqarpoq.

§ 2-mut

Lovtidendemi nalunaarutiginninnikkut inatsit atuutilissasoq, § 2-mi siunnersuutigineqarpoq.

Piaarnerpaamik, aamma ajornanngippat 2025-imi decemberip aallartinnerani, EIB-mik isumaqatigiissutip, EIB-mut nioqqutissiaminik Kalaallit Nunaanni tuniniaasinnaanermik periarfissiisumik, matumani Kalaallit Nunaanni suliniutinut piviusunik aningaasalersuinnermik tunisinerit ilanngullugit, isumaqatigiissutigineqarnissaanik, kalaallit kissaateqarnerat eqqarsaatigalugu aalajangersagassatut siunnersuutigineqartoq isigineqassaaq.

Nunat tamat akornanni aningaasaqarnermut tunngasumik sullissiviit nioqqutissiaminnik Kalaallit Nunaanni tuniniaasinnaanermut periarfissaannik tunisinissamik kalaallit kissaataasa, aamma taamaalilluni Kalaallit Nunaanni suliniutinut piviusunut aningaasaleeqataanissamut ikiuussinnaanissap, tassani kalaallit suliniutaannut piviusumut pingaarutilimmik inuiaqatigiinnit soqutigineqartunut, aningaasaleeqataanissaq massakkut EIB-lu aningaasaleeqataasinnaaneq pillugu oqaloqatiginninnerit ingerlanneqarneranni, piaarnerpaamik akuerineqarnissaa, Lovtidendemi nalunaarutiginninnikkut inatsisip atuutilernissaa pillugu aalajangersakkap tunngavigaa.